

廁填上切使去反間也下音 裸胡反赤體也下音 兜奴反 基陞上居其反下音

米比五清月書

大宋國平江府崑山縣全具鄉第六保張潭石橋園西面兩居住本

僧弟子 保民十餘行年主在感同男其進行年主主在感同媳婦朱氏

兼行年主十六歲情自共發誠心捐施淨財任持實天會卷八

是經院經坊命王刊造

度一切諸佛境界智嚴經百卷亦速流通佛教功德快用違焉

主安別具百六即住淨土切乞

保扶身位安康福壽增進家眷安和吉祥如意者

古嘉熙二年五月 日本佛事弟子孫氏

十填 經題

二經合卷

不思議神力傳

卷十

佛說阿彌陀經

拔一切業障根本得生淨土神呪出小無量壽經

劉宋元嘉年天竺三藏求那跋陀羅奉詔重譯

南無阿彌多婆夜哆多易反他伽路都該反夜哆

地途責反夜他阿彌利上聲都婆毗五阿彌利

哆六悉耽婆毗七阿彌利哆八毗迦蘭諦九

阿彌利哆十毗迦蘭哆十一伽彌膩十二伽伽那

十三枳多迦隸十四莎婆訶十五

若有善男子善女人能誦此呪者阿彌陀佛常住其頂日夜擁護無令怨家而得其便現

世常得安隱臨命終時任運往生

阿彌陀經不思議神力傳附隋未詳作者

昔長安僧叡法師慧崇僧顯慧通近至後周實禪師景禪師西河鸞法師等數百餘人並生西方西河綽禪師等因見鸞法師得生淨土各率有緣專修淨土之業綽師又撰西方

記驗名安樂集流行

又晉朝遠法師入廬山三十年不出乃命同志白黑有一百二十三人立誓期於西方鑿山銘願至陳天嘉年廬山珍禪師於坐時見有數百餘人共乘七寶華舫往西方珍禪師遂求附載其船上人報云法師雖講得涅槃經亦大不可思議緣法師未誦得阿彌陀經及呪所以不得同去法師遂廢講業日夜專誦彌陀經及呪計應滿二萬遍未終四七日前夜向四更有神人從西方送一白銀臺來空中明過於日告云法師壽終當乘此臺往生阿彌陀國故來相示令知定生終時白黑咸聞空中如奏音樂并聞異香數月聞香氣不歇其夜峯頂寺僧衆咸見一谷內有數十炬火大如車輪尋驗古今得生安樂世界者非一多見化佛徒衆來迎靈瑞如傳廣明不可繁錄因珍禪師於此經有驗故略述此一條以悟來詰助成往生之志拔一切業障根

本得生淨土神呪者乃宋元嘉末年求那跋陀重奉制譯合計五十九字一十五句龍樹菩薩願生安養夢感此呪耶舍三藏誦此呪天平寺銹精法師從耶舍三藏口受此呪其大云經本外國不來若欲受持呪法嚼楊枝澡豆漱口然香於佛像前胡跪合掌日夜六時各誦三七遍即滅四重五逆十惡謗方等罪悉得滅除現世所求皆得不爲惡鬼神所惑亂若數滿二十萬遍即感得菩提牙生若至三十萬遍即面見阿彌陀佛傳竟如前佛說阿彌陀經

姚秦三藏法師鳩摩羅什譯

如是我聞一時佛在舍衛國祇樹給孤獨園與大比丘僧千二百五十人俱皆是大阿羅漢衆所知識長老舍利弗摩訶目犍連摩訶迦葉摩訶迦旃延摩訶俱絺羅離婆多周利槃陀伽難陀阿難陀羅睺羅憍梵波提賓頭盧頗羅墮迦留陀夷摩訶劫賓那薄拘羅阿